

# Ima li vaše dijete simptome COVID-19?

Djeca obično nemaju simptome ili imaju samo blage simptome COVID-19.

## Na koje simptome COVID-19 treba da obratim pažnju?

Obično će djeca postati slaba i umorna i neće se igrati niti učestvovati u aktivnostima kao što bi to inače radili. Drugi simptomi mogu uključivati:

- suhi kašalj
- groznicu
- osjećaju se loše

Mogu postojati i respiratorni simptomi kao što su upala grla, prehlada itd. ili drugi simptomi kao što je proljev. Svi ovi simptomi nisu nužno prisutni u isto vrijeme.

## Šta trebam raditi ako moje dijete ima simptome COVID-19?

Ako vaše dijete ima simptome COVID-19, on ili ona bi trebali ostati kod kuće. Ostali članovi porodice bi trebali držati distancu od djeteta kad god je to moguće. Zapamtite da je djeci i dalje potrebna ljubav i njega i fizički kontakt poput zagrljaja i utjehe, te da je ovo daleko važnije od držanja distance.

Pozovite svog liječnika da procijeni i preporuči testiranje ako ste zabrinuti zbog stanja vašeg djeteta i ako je vaše dijete mlađe od 2 godine. Ako smatrate da nije potrebno da pozovete liječnika, možete rezervirati test za svoje dijete na [coronaproever.dk](https://coronaproever.dk).

## Kada se moje dijete može vratiti u svoju ustanovu za njegu djece ili školu?

Ako je test pokazao da je vaše dijete pozitivno na novi korona virus, dijete mora ostati kod kuće dok ne bude bez simptoma tokom perioda od 48 sati.

Ako je test pokazao da je vaše dijete negativno na novi korona virus, dijete se može vratiti u svoju ustanovu za njegu djece ili školu kada se oporavi i može učestvovati u aktivnostima kao i obično.

Normalno je da djeca imaju blagi kašalj neko vrijeme nakon respiratorne infekcije. Ako se dijete osjeća zdravo i dobro, može se vratiti u ustanovu za njegu djece ili školu čak i ako i dalje ima blagi kašalj kao jedini preostali simptom.



## Treba li moje dijete biti testirano na COVID-19?

Može biti teško razaznati da li vaše dijete ima prehladu, COVID-19 ili neku drugu respiratornu infekciju. Test će pokazati da li je COVID-19 ili ne.

Ako ne sumnjate da vaše dijete ima COVID-19, možete odabrati da se vaše dijete ne testira. U tom slučaju, najvažnije je da dijete ostane kod kuće dok se ne oporavi u potpunosti.

Ako je nekoliko članova porodice bolesno ili ako obole, odrasli se mogu testirati, jer će članovi iste porodice često imati istu bolest.

Ako imate sumnje u vezi toga da li bi simptomi vašeg djeteta mogli biti COVID-19, ili u vezi toga da li on ili ona treba da budu testirani, možete nazvati svog liječnika.